



NATIONAL SENIOR CERTIFICATE

IBANGA 12

SEPTEMBER 2025

ISIXHOSA ULWIMI LWASEKHAYA P3

AMANQAKU: 100

IXESHA: 3 iiyure



Olu viwo lunamaphepha ama-6.

IMIYALELO NENGCACISO

1. Eli phepha linamaCANDELO amaBINI:

ICANDELO A: Izincoko (50)

ICANDELO B: Imihlathi (2 x 25) (50)

QAPHELA: Abaviwa kulindeleke ukuba baphendule imibuzo emiBINI kwiCANDELO B.

2. Phendula umbuzo ube MANYE kwiCANDELO A, kunye nemibuzo emiBINI kwiCANDELO B.

3. Bhala ngesiXhosa esamkelekileyo nesichanekileyo.

4. Qala ICANDELO ngalinye kwiphepha ELITSHA.

5. Kunyanzelekile ukuba uyile (usebenzisa isazobe/itshati ebonisa ukuthungelana kweziganeko/amagama angundoqo, njalo njalo.), uhlele uze uwufundisise umsebenzi wakho. Qala ngoyilo PHAMBI kokuba ubhale izincoko nemihlathi.

6. Lonke uyilo maluphawulwe ngokucacileyo. Kuyacetyiswa ukuba ukrwele umgca onqumlayo kuyilo lonke.

7. Uyacetyiswa ukuba ulabe ixesha ngolu hlobo:

ICANDELO A: Malunga nemizuzu engama-100

ICANDELO B: Malunga nemizuzu engama-80 (2 x 40)

8. Nombola iimpendulo ngokuchanekileyo ngendlela ekunonjolwe ngayo kwiphepha lemibuzo.

9. Masingathathelwa ngqalelo isihloko xa kubalwa inani lamagama.


10. Bhala ngokucacileyo nangokucocekileyo.



ICANDELO A: IZINCOKO**UMBUZO 1**

Khetha isihloko sibe siNYE kwezi zilandelayo ubhale ngaso. Bhala amagama angama-340–390.

- 1.1 Ndisothuka nanamhlanje oku ndakulucinga olo suku **[50]**
- 1.2 Amava endinawo angabutshintsha ubomi bomnye umntu **[50]**
- 1.3 Ukungazithembi kuyayibulala impumelelo yekamva lakho **[50]**
- 1.4 Isiqhelo siyayoyisa ingqondo. **[50]**
- 1.5 Ukulunga nokungalungi kweteknoloji kubomi bethu **[50]**
- 1.6 Ingomso lomntu alixhomekekanga kunamhlanje wakhe **[50]**
- 1.7 Qwalasela le mifanekiso ingezantsi wandule ukubhala isincoko esinesihloko esifanelekileyo.



[Ucatshulwe kwi-intanethi www.images.com]

[50]

1.8



[Ucatshulwe kwi-intanethi www.images.com] [50]

AMANQAKU ECANDELO A: 50



ICANDELO B: IMIHLATHI**UMBUZO 2**

Khetha imihlathi ibe MIBINI kule ilandelayo uze ubhale ngayo. Bhala amagama ali-100–120 (umxholo kuphela).

2.1 ILETA YOBUHLOBO

Bhala ileta eya kumhlobo wakho uvelane naye ngentlungu ethe yamehlela. **[25]**

2.2 I-OBHITSHUWARI

Bhala i-obhitshuwari yomqeqeshi wezemidlalo kwingingqi yakho. **[25]**

2.3 ISIVI NELETA EYIKHAPHAYO

ISEBE lezoKhenketho libhengeze isithuba somsebenzi wokunceda abakhenkethi kwiphephandaba.

Thumela isivi neleta eyikhaphayo uzigqatsele eso sithuba.

ISITHUBA SOKUBA NGUMNCEDI WABAKHENKETHI**IMISEBENZI OZA KUYENZA**

- Ukwamkela iindwendwe.
- Ukwalathisa abakhenkethi indlela.
- Ukunika ulwazi ngeendawo zokhenketho.

IZIQINISEKISO ZEMFUNDO EZIFUNWAYO

- Isatifikethi sematriki.
- Idiploma okanye isidanga sezifundo zoKhenketho.
- Isiqinisekiso sokuqhuba inqwelo-mafutha.

IZAKHONO EZIFUNEKAYO

- Ukwazi ukuthetha isiXhosa nesiNgesi.
- Ukuthande ukusebenza nabantu.
- Ungabi nangxaki yokusebenza iiyure ezongezelelweyo.

[25]**2.4 INGXOXO YABABINI**

Bhala ingxoxo ephakathi kwabafundi ababini emalunga nokunxitywa kwempahla yexabiso kwakunye nezinye iindleko zamalungiselelo etheko lokuthi ndlelantle kubafundi bebanga le-12. **[25]**

2.5 IRIVYU

Bhala irivyu ngenkqubo yezemfundo edlala kumabonakude encedisa abafundi ngezifundo zebanga leshumi elinesibini. [25]

2.6 INQAKU LEMAGAZINI

Bhala inqaku lemagazini ucebise ulutsha ngeendlela zokuzigcina lusempilweni. [25]

AMANQAKU ECANDELO B: 50
AMANQAKU EWONKE: 100





Province of the
EASTERN CAPE
EDUCATION

Iphondo leMpuma Kapa: Isebe leMfundo
Provinsie van die Oos Kaap: Department van Onderwys
Forafensie Ya Kapa Botjhabela: Lefapha la Thuto

NATIONAL SENIOR CERTIFICATE

IBANGA 12

SEPTEMBER 2025

**ISIXHOSA ULWIMI LWASEKHAYA P3
ISIKHOKELO SOKUMAKISHA**

AMANQAKU: 100



Esi sikhokelo sokumakisha sinamaphepha ali-15.

IMIYALELO YOKUMAKISHA

Ekuhloleni umsebenzi wabaviwa, mayithathelwe ingqalelo le miba ilandelayo, eminye yayo icatshulwe kwirubrikhi yokuhlola:

- Makubekho ubungqina bokucwangcisa, bokuyila, bokuhlaziya, bokuhlela nobokulungisa iziphene kumsebenzi aza kuwunikezela.
- Makayazi injongo, abantu ajolise kubo nomxholo kwakunye nerejista, isimbo sokubhala nethoni, ingakumbi kwiCANDELO B.
- Ukusetyenziwa kolwimi, upelo neempawu zobhalo.
- Izakhi zolwimi kubandakanya ulwazi olunzulu ngolwimi.
- Ukhetho magama nokusetyenziswa kwezafobe.
- Ukubunjwa kwezivakalisi.
- Ukubhalwa kwemihlathi.
- Ukutolikwa kwesihloko esiza kuvezwa kumxholo ngokupheleleyo: intshayelelo, ukukhuliswa kwezimvo nesiphelo.



IINGCEBISO NGENDLELA YOKUMAKISHA**ICANDELO A: ISINCOKO**

Jonga kwiCANDELO A: Irubrikhi yokuhlola isincoko efumaneka kwiphepha le-13 nele-14 lesi sikhokelo sokumakisha.

IMIQATHANGO ESETYENZISELWA UVAVANYO

IMIQATHANGO	AMANQAKU
UMXHOLO NOCWANGCISO	30
ULWIMI, ISIMBO SOKUBHALA NOKUHLELA	15
ISAKHIWO	5
AMANQAKU EWONKE	50

1. Funda isincoko sonke uze ugqibe ngenqanaba loMXHOLO noCWANGCISO.
2. Funda isincoko kwakhona uze ukhethe inqanaba elichanekileyo loLWIMI, ISIMBO SOKUBHALA nokuHLELA.
3. Funda isincoko kwakhona uze ukhethe inqanaba elichanekileyo leSAKHIWO.

ICANDELO B: IMIHLATHI

Jonga kwiCANDELO B: Irubrikhi yokuhlola imihlathi efumaneka kwiphepha le-15 lesi sikhokelo sokumakisha.

IMIQATHANGO ESETYENZISELWA UVAVANYO

IMIQATHANGO	AMANQAKU
UMXHOLO, UCWANGCISO NEFOMATHI	15
ULWIMI, ISIMBO SOKUBHALA NOKUHLELA	10
AMANQAKU EWONKE	25

1. Funda umhlathi wonke uze ugqibe ngenqanaba loMXHOLO, UCWANGCISO neFOMATHI.
2. Funda umhlathi kwakhona uze ukhethe inqanaba elichanekileyo loLWIMI, ISIMBO SOKUBHALA nokuHLELA.

QAPHELA:

- Iifomathi ezahlukeneyo zemihlathi/ezifundisiweyo ziyasetyenziswa. Oku kufuneka kuthatyathelwe ingqalelo xa kuhlolwa ifomathi.
- Nika amanqaku ngefomathi echanekileyo.
- Jonga uthungelwano lwezimvo kuko konke okubhaliweyo.
- Amanqaku anikwe ngezantsi kwisihloko ngasinye kwesi sikhokelo sokumakisha asetyenziswa kuphela njengesikhokelo kubamakishi.
- Makwamkelwe indlela umviwa ngamnye asitolike ngayo isihloko, nokuba iyohluka kumanqaku anikiweyo, okanye kwiimbono okanye iindlela asitolika ngayo ummakishi.

ICANDELO A: IZINCOKO

Kulindeleke ukuba abaviwa babhale isincoko esiNYE esinomthamo wamagama angama-340–390 ngesiNYE sezihloko ezinikiweyo. Abaviwa bangabhala nangaluphi na udidi lwesincoko: esibalisayo, esichazayo, esicamngcayo, esixoxayo, esivelela amacala omabini, okanye naziphina ezidityanisiweyo kwezi.

Isincoko esibalisayo:

- Makasebenzise ixesha eladlulayo/elidlulileyo/elimiyo.
- Sibhalwa kumntu wokuqala okanye owesithathu.
- Makabonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekhehli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

Isincoko esichazayo:


- Sinokubhalwa ngokwexesha elidlulileyo okanye elangoku.
- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi.
- Sisebenzisa imifanekiso-ntelekelelo nezafobe zentetho.
- Sivakalisa iimvakalelo zombhali.

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyachaza. (Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi kwakunye nezafobe zentetho.)
- Uvakalelo lombhali maluveze ukunyaniseka kunye nokubandakanyeka.

Isincoko esixoxayo:

- Umviwa uthatha icala ngomba othile.
- Uthotho lweengxoxo oludla ngokuba kwimo engengcaciso ngeengongoma ezithile.
- Ukubethelela isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengcebiso.



Isincoko esivelela amacala omabini:

- Inkcazelo engomba inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma nokunika ubungqina obuyinyani obuxhasayo.
- Isiphelo – isishwankathelo neengcebiso.
- Makabonise ulwazi ngesihloko nangomba axoxa ngawo.



UMBUZO 1**1.1 Ndisothuka nanamhlanje oku ndisakulucinga olo suku**

Isincoko singabalisa/chaza/camngca/xoxela amacala omabini/xoxela icala elinye.

Isincoko masicwangiswe ngokokuko.

Impendulo isenokuba kwinqanaba lentsingiselo yentsusa/efihlakeleyo/azixube iintsingiselo zeempendulo.

Imo efanelekileyo: intshayelelo, isiqu nesiphelo.

Umxholo:

- Ingaba libali lemini/lesiganeko/lemeko engobumnandi bolo suku.
- Angabalisa /achaze/ uhlobo lwesiganeko esenzekayo nesenza othuke akulucinga olo suku.
- Angabalisa ngefuthe elathi layenza empilweni yakhe.
- Angabhala neziphumo zobo bumnandi.

[Nawuphi na umxholo ohambelana nesihloko uya kwamkeleka.]

Ulwimi:

Ulwimi maluhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

[50]**1.2 Amava endinawo angabutshintsha ubomi bomnye umntu**

Isincoko singabalisa /chaza/camngca/xoxela amacala amabini/xoxela icala elinye.

Isincoko masicwangciswe ngokokuko.

Impendulo isenokuba kwinqanaba lentsingiselo yentsusa/efihlakeleyo/azixube iintsingiselo zeempendulo.

Imo efanelekileyo: intshayelelo, isiqu, nesiphelo.

Umxholo:

- Ingalibali lamava emini enye okanye iimini ezahlukeneyo/lesiganeko/leziganeko/ lemeko/ leemeko/ ezamehlelayo.
- Umviwa angachaza zintoni ezabehlelayo nathi akuzicinga abone ukuba zingamnceda omnye umntu angabi sangena engxakini
- Amava omviwa angenza ubomi bomntu butshintshe/buphumelele bube kwelinye inqanaba.

[Nawuphi na umxholo ohambelana nesihloko uya kwamkeleka.]

Ulwimi:

Ulwimi maluhambelane nenjongo yokubhala, uhlobo lomhlathi oluhambelana nesincoko esikhethiweyo/ isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

[50]

1.3 Ukungazithembi kuyayibulala impumelelo yekamva lakho

Isincoko singabalisa/chaza/camngca singaxoxela icala elinye/singaxoxela amacala omabini/.

Isincoko masicwangiswe ngokokuko.

Impendulo isenokuba kwinqanaba lentsingiselo yentsusa/efihlakeleyo/ azixube iintsingiselo zeempendulo.

Imo efanelekileyo: intshayelelo, isiqu, nesiphelo.

Umxholo:

- Ingalibali lemini enye okanye iimini ezahlukeneyo/lesiganeko/leziganeko/ lemeko/ leemeko eziveza ifuthe elibi lokungazithembi nelithi lichaphazele impumelelo yamntu.
- Bangachaza baveze izenzo ezibonakalisa ukungazithembi kunefuthe kwimpumelelo yabo.
- Bangeza neengcebiso ngendlela yokulwa ukungazithembi okuye kuchaphazele impumelelo yabo.

[Nawuphi na umxholo ohambelana nesihloko uya kwamkeleka.]

Ulwimi:

Ulwimi maluhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

[50]

1.4 Isiqhelo siyayoyisa ingqondo

Isincoko singabalisa/chaza/camngca/xoxela amacala amabini/xoxela icala elinye.

Isincoko masicwangciswe ngokokuko.

Impendulo isenokuba kwinqanaba lentsingiselo yentsusa/efihlakeleyo/ azixube iintsingiselo zeempendulo.

Imo efanelekileyo: intshayelelo, isiqu nesiphelo

Umxholo:

- Ingalibali lemini enye/isiganeko/imeko ebonisa umntu esenza izinto ngokwesiqhelo kanti isiphumo ayizukuba sesi ebesilindele/aqhele ukusifumana.
- Angabhala ebonisa ukuba umntu akasoloko ephumelela ngendlela ebeyilindele/kwenzeka ngendlela aqhele ukwenza ngayo.
- Angaveza okanye axele izinto ezenziwa ngumntu/ngabantu ngokuqhela kanti zingabi naso isiphumo adla ngokusifumana.
- Angalumkisa abantu ngobungozi bokwenza izinto ngesiqhelo.

[Nawuphi na umxholo ohambelana nesihloko uya kwamkeleka.]

Ulwimi:

Ulwimi maluhambelane nenjongo yokubhala, uhlobo lomhlathi luhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

[50]

1.5 Ukulunga nokungalungi kwetekhnoloji kubomi bethu

Isincoko singabalisa/chaza/camngca/xoxela icala elinye/xoxela amacala omabini.

Isincoko masicwangciswe ngokokuko.

Impendulo isenokuba kwinqanaba lentsingiselo efihlakeleyo/yentsusa/azixube iintsingiselo zeempendulo.

Imo efanelekileyo: intshayelelo, isiqu nesiphelo.

Umxholo:

- Ingalibali lemini enye/isiganeko/imeko engendima edlalwa yintlonipho kwimpumelelo yabafundi.
- Bangabalisa/baveze iimbono zabo ngabafundi abahloniphayo kunye nempumelelo yabo.
- Bangaveza uncedo olwenziwa yintlonipho kwimpumelelo yabafundi
- Bangakhuthaza okanye bacebise ngokubaluleka kwentlonipho kubafundi ukuze baphumelele.

[Nawuphi na umxholo ohambelana nesihloko uya kwamkeleka.]

Ulwimi:

Ulwimi maluhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sesivakalisi kunye nezixhobo zokunonga ezifanelekileyo.

[50]

1.6 Ingomso lomntu alixhomekekanga kunamhlanje wakhe

Isincoko singabalisa/chaza/camngca/xoxela icala elinye/xoxela amacala amabini.

Isincoko masicwangciswe ngokokuko.

Impendulo isenokuba kwinqanaba lentsingiselo yentsusa/efuhlakeleyo/azixube iintsingiselo zeempendulo.

Imo efanelekileyo: intshayelelo, isiqu nesiphelo.

Umxholo:

- Umviwa angabhala ngamava akhe ngendlela aphila ngayo ngoku neminqweno yengomso lakhe.
- Ungangeemeko zabantu eziveza ubomi babo buqale ngentlupheko/ngentsokolo baze babutshintshe bube ngcono/bube bubomi obungcono.
- Bangalumkisa babonise obu bomi ubuphilayo bungcono namhlanje bungaphela buyenye into ngomso.
- Bangabhala ngesimilo esibi somntu kodwa atshintshe kweso simo enze izinto ezilungileyo eziluncedo kuluntu.

[Nawuphi na umxholo ohambelana nesihloko uya kwamkeleka.]

Ulwimi:

Ulwimi maluhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane esihloko, isakhiwo sezivakalisi kunye nezixhobo zokunonga ezifanelekileyo.

[50]

- 1.7 Umviwa makanike isihloko esifanelekileyo.
Isincoko singabalisa/sichaze/sicamngce/xoxele icala elinye/sixoxele amacala omabini.
Isincoko masicwangciswe ngokokuko.
Impendulo isenokuba kwinqanaba lentsingiselo yentsusa/efihlakeleyo/azixube iintsingiselo zeempendulo.
Imo efanelekileyo: intshayelelo, isiqu nesiphelo.

Umxholo:

- Ingalibali lemini enye/leemini/isiganeko/iziganeko eliphuhlisa impumelelo yokwenza izinto ngexesha/ubungozi bokungenzi izinto ngexesha.
- Umviwa angakhuthaza abonise ukubaluleka kokusebenzisa ixesha ngokokuko.
- Angabonakalisa ubungozi bokusebenzisa ixesha ngokungafanelekanga.

[Nawuphi na umxholo ohambelana nesihloko uya kwamkeleka.]**Ulwimi:**

Ulwimi maluhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

[50]

- 1.8 Umviwa makanike isihloko esifanelekileyo.
Isincoko singabalisa/sichaze/sicamngce/xoxele icala elinye/sixoxele amacala omabini.
Isincoko masicwangciswe ngokokuko.
Impendulo isenokuba kwinqanaba lentsingiselo yentsusa/efihlakeleyo/azixube iintsingiselo zeempendulo.
Imo efanelekileyo: intshayelelo, isiqu nesiphelo.

Umxholo:

- Angabhala ngokulondolozwa kwemali
- Angabhala ngobuhle nobungozi bokugcina imali.
- Usenokuveza indlela emncede ngayo into yokugcina akhulise imali.
- Angaveza izinto ezinokwenziwa ukukhulisa imali.

[Nawuphi na umxholo ohambelana nesihloko uya kwamkeleka.]**Ulwimi:**

Ulwimi maluhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.

[50]**AMANQAKU ECANDELO A: 50**

ICANDELO B: IMIHLATHI**UMBUZO 2**

Kulindeleke ukuba abaviwa bakhethe imihlathi ibe MIBINI kule ibuziweyo. Ubude bempendulo nganye mabube li-100–120 amagama ngomhlathi ngamnye. Oku kubhekisa kumxholo kuphela. Ulwimi, irejista isimbo sokubhala nethoni masifanelane nenjongo yobhalo.

2.1 ILETA YOBUHLOBO**Umxholo, ucwangciso nefomathi: [15]**

- Idilesi inye ibhalwa ngendlela eyamkelekileyo, iqalwe kwisiqingatha sephepha, ime, ingaxwesi. Umhla, inyanga nonyaka ebhalwe ngawo mawubhalwe ngasezantsi kwedilesi. (12 Septemba 2024)
- Emva kwedilesi makulandele isibuliso (umz. Linda endimthandayo)
- Mayahlulwe imihlathi yesiqu ngokweengcamango ezahlukileyo.
- Umxholo ungokuvelana nomhlobo ngentlungu ethe yamehlela.
- Kwisiphelo seleta yobuhlobo kubhalwe: Umhlobo wakho kunye negama elingenafani.
- Izingxi azibhalwa kwidilesi, isibuliso nesiphelo.

Ulwimi, isimbo sokubhala nokuhlela: [10]

- Ithoni nerejista engekho sesikweni nefanele umhlobo.
- Ulwimi olungandilisekanga.

[25]**2.2 I-OBHITSHUWARI****Umxholo, ucwangciso nefomathi: [15]**

- Mayibhalwe kumntu wesithathu hayi kumntu wokuqala (NDI). Injongo kukukhumbula lowo ungasekhoyo.

Umhlathi woku-1

- Mawube namagama omfi, umhla wokuzalwa, indawo azalelwe kuyo, umnombo (abazali), umhla wokusweleka indawo abhubhele kuyo (unobangela wokubhubha ungafakwa). Isaziso ngobhubhileyo.

Umhlathi-2

- Imfundo yakhe kumabanga asezantsi kunye naphakamileyo.
- Amava akhe ngokomsebenzi, (umqeqeshi wezemidlalo)
- Igalelo lakhe ekuhlaleni, izinto ebekholelwa kuzo, ebezibalule ngazo nezinto aya kukhunjulwa ngazo.

Umhlathi we-3

- Amabalana ngaye. linkumbulo anazo amalungu, osapho, izihlobo nezalamane zakhe ngaye. Amazwi okukhapha lo ungasekhoyo.
- Kufuneka konke oku kuzobe umfanekiso ocace gca ngaye, ukuba ebengumntu onjani. (Yuloji)

Umhlathi we-4

- Amazwi ovelwano kusapho nezalamane.

Ulwimi, isimbo sokubhala nokuhlela: [10]

- Ithoni nerejista mazibe sesikweni.
- Ulwimi malube lolusesikweni lusulungeke.

[25]**2.3 ISIVI NELETA EYIKHAPHAYO****Umxholo, ucwangciso nefomathi: [15]****ISIVI**

- Mayibhalwe kwiphepha elitsha.
- Mayithi ngqo ingajikelezi ibe semxholweni.
- Mayiqulathe izinto ezinokubangela umqeshi athabatheke.
- Iinkcukacha zalowo ucela umsebenzi mazivele.
- Izinqinisekiso zemfundo anazo mazihlengahlengiswe ngokweminyaka mpumelelo nangokwamava anawo ahambelana nesithuba eso somsebenzi.
- Mayinike iinkcukacha zabantu abanokungqinisisa/abanonika ulwazi ngalowo ucela umsebenzi.

Ileta eyikhaphayo

- Ibhala ngokweleta esesikweni.
- Ayinabude buqingqiweyo kodwa iziqulatho zayo eziphambili kukuvakalisa ubukho besivi eneenkcukacha ezifunekayo.
- Umbhali angazithengisa kule leta.

Ulwimi, isimbo sokubhala nokuhlela: [10]

- Ulwimi, ithoni, irejista mayibe sesikweni.

[25]**2.4 INGXOXO YABABINI****Umxholo, ucwangciso nefomathi: [15]**

- Intshayelelo mayibhalwe kwizibiyeli (izalathisi zeqonga) umzekelo: indawo, ixesha, izithethi nombaba okuxoxwa ngawo.
- Kwisiqhu mayibhalwe kusetyenziswa intetho-ngqo ngaphandle kweempawu zocaphulo.
- Izithethi zibhalwe ngasekhohlo ephepheni zilandelwe yikholoni.
- Makushiye umgca ongabhalwanga phakathi kwezithethi.
- Ingcaciso engenye mayibhalwe kwizibiyeli umzekelo: ingcaciso ebonisa intshukumo, imvakalelo neemeko abakuzo aba bathethayo umzekelo: ehleka.
- Umxholo mawube ngempahla zexabiso namalungiselelo lwabafundi bebanga leshumi letheko lokuthi ndlelantle.
- Mayingafikeleli esiphelweni ingakhange ifezekiseke injongo yengxoxo.
- Mazivalelisane izithethi iseso sinelizwi lokubulela ukuba ngabantu abaqheleneyo nabasondeleneyo banokuphela ngendlela ebonisa oko.

Ulwimi, isimbo sokubhala nokuhlela: [10]

- Ulwimi, ithoni nerejista engekho sesikweni.
- Kuthethwa kwixesha langoku ze kusetyenziswe elidlulileyo/eladlulayo xa kubhekiswa kwisiganeko esithile.

[25]

2.5 IRIVYU

Umxholo, ucwangciso nefomathi: [15]

- Mayibe ngenkqubo yezemfundo zezifundo zebanga le-12 ayibukele kumabonakude.
- Iveze iimpawu zayo eziphambili.
- Mayivakalise izimvo neemvakalelo zombhali werivyu ngendawo eqhubeka kuyo.
- Mayiveze okuyinyani ingabaxi, okubi nokuhle kuvezwe ngendlela ehloniphayo nenika isidima.
- Mayitsale umdla kulowo uyifundayo.
- Umbhali makabalule izinto ezinika umtsalane kwezi kqubo azibukela kumabonakude.
- Kwisiphelo makuvele umyalezo okanye imfundiso efumaneka kwezi nkqubo zikamabonakude zemfundo.

Ulwimi, isimbo sokubhala nokuhlela: [10]

- Ulwimi malube sesikweni.
- Ithoni nerejista mayibe sesikweni.

[25]

2.6 INQAKU LEMAGAZINI

Umxholo, ucwangciso nefomathi: [15]

- Mayibe nesihloko esifutshane sitsale umdla wabantu.
- Isihloko masiqulathe owona ndoqo wenqaku.
- Amagama alowo ubhale inqaku mawavele ezantsi kwesihloko.
- Kubalulekile ukubhala okuyinyani hayi uluvo.
- Kulindeleke umntu akhankanye igama ozuze kulo ulwazi, ukuba ngumntu akhankanywe xa kuphuhliswa umxholo wenqaku.
- Umxholo mawucebise ulutsha ngeendlela zokuzigcina lusempilweni.

Ulwimi, isimbo sokubhala nokuhlela: [10]

- Ulwimi malube lolusulungekileyo nolundilisekileyo kuba yenzelwa abangasondelanga kulowo uyinikezelayo.
- Ithoni, irejista nesimbo sokubhala masibe sesifanelekilayo sihambelane nenqaku elo libhalwayo.
- Inqaku malibe kumntu wesithathu.

[25]

AMANQAKU ECANDELO B (25 x 2): 50
AMANQAKU EWONKE: 100

QAPHELA:

- Sebenzisa le rubrikhi rhoqo xa umakisha izincoko (zephapha lesi-3, ICANDELO A)
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu.
- Imigangatho yomxholo, ulwimi nesimbo, inqanaba ngalinye kula mahlanu lahlulahlulwe kubini, kwakho amanqaku abelwe abo banezincoko ezikwinqwanqwa eliphakamileyo nezo zikwinqwanqwa elingezantsi kwinqanaba ngalinye.
- Isakhiwo asicatshazelwa kukwahlulwa ngokwinqwanqwa eliphezulu nelisezantsi.

ISIHLOMELELO A: IRUBRIKHI YOKUHLOLA ISINCOKO ULWIMI LWASEKHAYA [50 AMANQAKU]

Imiqathango		Egqwesileyo	Esemagqabini neqaqambileyo	Eyanelisayo nefanelekileyo	Eyinxalenye	Engaphumelelanga
UMXHOLO NOCWANGCISO (Impendulo nezimvo) Uyondelelwaniso lwezimvo ngokucwangcisa. Ukuqonda injongo, abantu ekujoliswe kubo kunye nesimo sentlalo.	Inqwangwa eliphakamileyo	28–30	22–24	16–18	10–12	4–6
		- Impendulo igqwesile/ inomtsalane, ngaphezu koko bekulindelekile. - Lzimvo eziziqisisiweyo, ezixhokonxa iingcinga nezivuthiweyo. - Impendulo elungelelaniswe kakuhle ngokugqwesileyo enothungelwano (enonamathelwano) ukuquka intshayelelo, isiqu, ukuqukumbela/nesiphelo.	- Impendulo ixongxwe ngobugcisa. - Lzimvo zihambelana gingci nomxholo kwaye zinomdla zinobungqina bokuvuthwa. - Ilungelelaniswe kakuhle kakhulu kwaye iyathungelana (inonamathelwano) kuquka intshayelelo, isiqu ukuqukumbela/nesiphelo.	- Impendulo iyanelisa. - Lzimvo ziyathungelana noko ziyaqinisekisa ngokuse-mxholweni. - Ilungelelaniswe noko kwaye iyathungelana kuquka intshayelelo, isiqu ukuqukumbela/nesiphelo.	- Impendulo ayinaluthungelwano lungqinelanayo. - Lzimvo azicacanga kwaye ayizizo ezomfundi. - Buncinci ubungqina bolungelelwaniso nothungelwano lweengcamango.	- Impendulo ayihambelani nomxholo kwaphela. - Lzimvo ziyabhidisa kwaye azingqamananga kwaphela nomxholo. - Azicacanga kwaye kwaye ziphindaphindiwe. - Azilungelelaniswanga kwaye azithungelani
30 AMANQAKU	Inqwangwa elingezantsi	25–27	19–21	13–15	7–9	0–3
		- Impendulo egqwesileyo kodwa ineendawana esilela kuzo ukuba neempawu ezinomtsalane ogqwesileyo wesincoko esinkqenqeza phambili. - Lzimvo ezivuthiweyo neziziqisisiweyo. - Lzimvo zilungelelaniswe ngobugcisa zinothungelwano (zinonamathelwano) kuquka intshayelelo, isiqu kunye nesiphelo.	- Impendulo ixongxwe kakuhle. - Lzimvo ziyahambelana zinomdla. - Ilungelelaniswe kakuhle iyathungelana (inonamathelwano) kuquka intshayelelo, isiqu nesiphelo..	- Impendulo eyanelisayo nangona kumana kubakho izikhewu kwingcaciso. - Lzimvo ziyanamathelana ngokwanelisayo kwaye ziyaqinisekisa. - Kukho ulungelelaniso olufumanekayo nothungelwano kwintshayelelo, isiqu nesiphelo.	- Ubukhulu becala impendulo ayihambelani nomxholo. - Lzimvo zibonakalisa ukungahlangani nokubhidisa. - Phantse bungabikho ubungqina bolungelelwaniso nothungelwano.	- Akukho linge lokuphendula isihloko. - Ayihambelani kwaphela nomxholo kwaye ayifanelekanga. - Ayingqamananga nomxholo kwaphela kwaye inobubhutubhutyu.

		14–15	11–12	8–9	5–6	0–3
ULWIMI, ISIMBO SOKUBHALA NOKUHLELA Ithoni, irejista, isimbo sokubhala, isigama esifanelenenenjongo/nesimo sentlalo. Uchongo magama. Ukusetyenziswa kolwimi nemigaqo, limpawu zokubhala, igrama, upelo. 15 AMANQAKU	Inqwanqwa eliphakamileyo	<ul style="list-style-type: none"> - Ithoni, irejista, isimbo sokubhala, isigama zifaneleke kakhulu kwinjongo, abantu ekujoliswe kubo nakwisimo sentlalo. - Ulwimi lusetyenziswe ngokuzithemba, luyachukumisa ngokugqwesileyo. - Ithoni edlwengula umxhelo nenobuciko. - Akukho nasinye isiphene segramu nopelo. - Sixonxwe ngobugcisa obukhulu. 	<ul style="list-style-type: none"> - Ithoni, irejista, isimbo sokubhala kunye nesigama ziqaqambe kakhulu kwinjongo, abantu ekujoliswe kubo nesimo sentlalo. - Ulwimi luchanekile kwaye ithoni isetyenzisiwe ngokufanelekile nangokuzinzileyo kwisincoko siphela. - Ubukhulu becala akukho ziphene kwigrama nopelo. - Sixonxwe kakuhle kakhulu. 	<ul style="list-style-type: none"> - Ithoni, irejista, isimbo sokubhala nesigama zifanelekile kwinjongo, abantu ekujoliswe kubo nesimo sentlalo. - Ulwimi lusetyenziswe ngokufanelekileyo ukudlulisa umyalezo. - Ithoni ifanelekile. - Izixhobo zolwimi zisetyenzisiwe ukuphuhlisa nokuphucula umxhelo. 	<ul style="list-style-type: none"> - Ithoni, irejista, isimbo sokubhala nesigama azihambelani nenjongo, abantu ekujoliswe kubo nesimo sentlalo. - Ulwimi lusetyenziswa ngendlela ebuthathaka. - Ithoni nochongo magama azifanelekanga. - Isigama sinqongophele kakhulu. 	<ul style="list-style-type: none"> - Ulwimi alunantsingiselo. - Ithoni, irejista, isimbo sokubhala nesigama azihambelani mpela nenjongo, abantu ekujoliswe kubo nesimo sentlalo. - Ukusetyenziswa kwisigama kunqongophele ngokubaxekileyo de ungakwazi ukuqonda okubhaliweyo.
	Inqwanqwa elindeza	13 <ul style="list-style-type: none"> - Ulwimi lugqwesile kwaye kusetyenziswe izixhobo zolwimi ezibonakalisa ubuciko ngokufanelekileyo. - Akukho nasinye isiphene segramu nopelo. - Sixonxwe ngobugcisa. 	10 <ul style="list-style-type: none"> - Ulwimi luyakuthimba kwaye ubukhulu becala luchanekile. - Ithoni iqaqambile kwaye ichanekile. - Zimbalwa iziphene zegramu nopelo. - Sixonxwe kakuhle. 	7 <ul style="list-style-type: none"> - Ukusetyenziswa kolwimi ngokwanelisayo kodwa kusekho ukungangqinelani apha naphaya. - Ubukhulu becala ithoni ifanelekile kodwa usetyenziso zixhobo zolwimi lunqongophele. 	4 <ul style="list-style-type: none"> - Ukusetyenziswa kolwimi ngokungafanelekanga. - Kuncinci okanye akukho ukohluka-hlukana kwezivakalisi. - Isigama sinqongophele ngokugqithisileyo. 	
ISAKHIWO limpawu zodidi lwesincoko Ukuphuhliswa kwemihlathi nokubunjwa kwezivakalisi. 5 AMANQAKU		5 <ul style="list-style-type: none"> - Isihloko sikhuliswe ngokugqwesileyo. - Iinkcukacha ezigqwesileyo. - Izivakalisi, imihlathi zakhiwe ngokugqwesileyo. 	4 <ul style="list-style-type: none"> - Iinkcukacha zakhiwe ngokulandelelana nangokuqiqisisiweyo. - Ziyathungelana. - Ukwakhiwa kwezivakalisi nemihlathi kuyahambelana, kwahlukahlukeni. 	3 <ul style="list-style-type: none"> - Ukuphuhliswa kweenkcukacha ngokusemxfholweni. - Izivakalisi, imihlathi zakhiwe kakuhle. - Isincoko sisesemxfholweni. 	2 <ul style="list-style-type: none"> - Kukho amanqaku asemxfholweni. - Izivakalisi nemihlathi zineemposiso. - Isincoko sisesemxfholweni nangona zisekhona iziphene. 	0–1 <ul style="list-style-type: none"> - Amanqaku asemxfholweni awakho. - Ulwakhiwo lwezivakalisi nemihlathi lunobubhutyu-bhutyu. - Isincoko siphume kwaphela emxfholweni.
	AMANQAKU		43–50	33–40	23–30	13–20

ISIHLOMELELO B: IRUBRIKHI YOKUHLOLA IMIHLATHI ULWIMI LWASEKHAYA [25 AMANQAKU]

Imiqathango	Egqwesileyo	Esemagqabini neqaqambileyo	Eyanelisayo nefanelekileyo	Eyinxalenye	Engaphumelelanga
UMXHOLO, UCWANGCISO NEFOMATHI -Impendulo nezimvo. -Ulungelelwaniso lwezimvo nokucwangcisa. -Injongo, abantu ekujoliswe kubo, iimpawu/ imigaqo nesimo sentlalo. 15 AMANQAKU	13–15 - Impendulo igqwesile ngaphezu koko bekulindelekile - Lzimvo eziqiqisisiweyo nezivuthiweyo. - Ulwazi olunzulu ngeempawu zohlobo lomhlathi obhaliweyo. - Ubhalo lusemholweni ncasasana. - Ukuthungelana komxholo nezimvo. - Icaciswe nzulu kwaye zonke iinkcukacha ziyasixhasa isihloko. - Ifomathi yamkelekile kwaye ichanekile.	10–12 - Impendulo esemagqabini ebonisa ulwazi olululo ngeempawu zodidi lomhlathi. - Ubhalo lusemholweni. - Ukuthungelana komxholo nezimvo, kucaciswe kakuhle kakhulu kwaye neenkukacha zixhasa isihloko. - Ifomathi efanelekileyo eneziphene ezingephi.	7–9 - Impendulo eyanelisayo ebonisa ulwazi ngeempawu zodidi lomhlathi. - Ayikho semxholweni ngokupheleleyo. - Kukho ukuphambuka okungephi emxholweni. - Ubukhulu becala uyathungelana umxholo nezimvo. - Ezinye iinkcukacha ziyasixhasa isihloko. - Ubukhulu becala ifomathi ifanelekile kodwa kukho iziphene ezingephi.	4–6 - Kubonakala ubunzima malunga nolwazi lweempawu zolu didi lwetekisi. - Kukho ukungqamana okungephi okusemholweni kodwa ukuphambuka kubhalo. - Akusoloko kukho uthungelwano phakathi komxholo nezimvo. - Zimbalwa iinkcukacha ezixhasa isihloko. - Imigaqo eyimfuneko yefomathi isetyenziswe ngokungacacanga. - Imigaqo engundoqo yefomathi yetekisi ityeshelwe.	0–3 - Impendulo ibonakalisa ukunqongophala kolwazi ngeempawu zodidi lomhlathi. - Intsingiselo ilahlekile kwaye akakho semxholweni kwaphela. - Ayithungelani komxholo nezimvo. - Zimbalwa kakhulu iinkcukacha ezixhasa isihloko. - Ayisetyenziswanga imigaqo eyimfuneko yefomathi.
	ULWIMI, ISIMBO SOKUBHALA NOKUHLELA Ithoni, irejista, isimbo sokubhala, injongo/imeko, abantu ekujoliswe kubo nesimo sentlalo. Ukusetyenziswa kolwimi nemigaqo yalo. Uchongo magama. Iimpawu zokubhala nopelo. 10 AMANQAKU	9–10 - Ithoni, irejista, isimbo sokubhala, isigama zifaneleke ngokukodwa kwinjongo, abantu ekujoliswe kubo nakwesimo sentlalo. - Ulwimi lusetyenziswe ngokuchanekileyo kwaye lwakhiwe ngokukuko. - Akukho ziphene konke konke.	7–8 - Ithoni, irejista, isimbo sokubhala, isigama zifaneleke kakhulu kwinjongo, abantu ekujoliswe kubo kunye nakwesimo sentlalo. - Ubukhulu becala ulwimi lusetyenziswe ngokukuko nangokuchanekileyo. - Isigama sichaneke kakuhle. - Ubukhulu becala akukho ziphene.	5–6 - Ithoni, irejista, isimbo sokubhala, isigama zifanelekile kwinjongo, abantu ekujoliswe kubo kunye nesimo sentlalo. - Kukho iziphene ezimbalwa zolwimi - Isigama esaneleyo. - Iziphene aziyichaphazeli intsingiselo.	3–4 - Ithoni, irejista, isimbo sokubhala, isigama asifanelekanga ngokupheleleyo kwinjongo, abantu ekujoliswe kubo kunye nesimo sentlalo. - Ukusetyenziswa kolwimi ngokungachanekanga kubangela iziphene ezibaxekileyo. - Intsingiselo ilahlekile.
AMANQAKU	22–25	17–20	12–15	7–10	0–5